

stigia, quibus fretus poteris recordatione suprema beate vixisse,
40 quod vixeris cum eisdem.

Vale, nec absque mi recordio, Vir eloquii singularis, ut optas.
Oculorum caliginosa senectus, quamvis exuberante materia sic exosa,
calamum acquievit.

Tuus Philippus Cavallo de Sancto Andrea — si quid valet.

Pole 27 Ianuarii [1368?].

14.

Epistola eiusdem Philippi ad eundem. ^{a)}

[Vat. c. 106 r].

Frater, optans amodo cuncta tecum communicare que gero, mitto
inserta presentibus aliqua carmina, que in honorem et memoriam
antique civitatis Pole et civium eius noviter, aggressi quamquam
calamo, compilavi, quibus nil aliud potest prestare mea facultas hoc
proximo meo recessu. Quid itaque, Vir optime, sentis superinde
perlectis ipsis, scribe, precor, nec inertī calamo, potius imo moram
tolle expectantibus odiosam. Saluto collegam, et vale feliciter cum
quo vivo.

10

Tuus Philippus Cavallo.

Pole, 27 Ianuarii.

Primordia civitatis Pole.

Polui sub Poluce Pola, Iovis inclita prole;
Nullis adhuc viris ceperant mea littora nomen.
Non sator, non messor erat; nemorosa colebant
agrestes nimphæ tempe, montana plerumque
lustrabat Delia, sociis armata pharetris.
Multe iam cecidere fere, cantusque sonoros
Nereides et iura dabant in ripis aquarum.
20 Precipites illas miro candore vidisses

^{a)} Cfr. a pagg. 77, 99, 147, 162.

¹⁷ lustrabant *Ma*³. ¹⁸ *Ma*³ canthiosque. ¹⁹ *Vat.* Nereyde.